

Zliya tsasliti Pəl kaa ka Efesə

Kwəma dza ghwəmməə gha sənataa dzəkən zliya na
Ghala vəghwə tsa tsasli Pəl zliya nay, ghəci kwa fərshina niy nza na, (nighəm mbə vəh 3:1 lə 4:1). Daŋ tsa mbəzliy, ghəci kwa fərshina tə hidfi ka Rəm na, kə ghəshi. Dzəghwa nihwəti mbəzli ɓa na, ghəci kwa fərshina tə hidfi ka Shezare na, kə ghəshi.

Kaa mbəzliy nəw Yesəw mbə məlmə Efesə tsasliti Pəl zliya na. Ma məlmə Efesə vay, məlmə dikə na na, tə hidfi Azəy niy nza na. Mbəzli ka zhəghə dəvə tə hidfi ghəngħən ghəngħən ka naa səkəkə dzəmbə, sa nza məlmə va vəgha kwəfa dikə na. Ghala pətsaa wə Pəl kwa mahkana wə ciy, aa niy nzəyəhwə nzəy mbə məlmə va piya mahkan. A ghwəy dzaa kəsata kwəma va mbə zliya ka kwal Yesəw vəh 19:1 mba'a tə vəh 20:1. Zhini sa kəramti na kwa mahkana wə ci diɓa na, mba'a niy harvə mbəzliy 'wa kwal kaa mbəzliy nəw Yesəw mbə Efesə ta gəzanshi kwəma. Kwəma va ɓay, mbə Zliya ka kwal Yesəw, vəh 20:17-38 na.

Avanay njasa nəwva kwəma mbə zliya na:

Vəh 1 pa' tə vəh 2:1-10 Pəl mbə gəzə njasa məntəmmə Hyala wəzə hwər tsa nzə tərəjw dalala ghwəmmə mbəzli nzə; mba'a mbəlītəmmə səvəri mbə dəvə məti.

Vəh 2:11 pa' tə vəh 3:1-21 Pəl mbə gəzəə dzəkən kwəmaa niy ghwəɓəy Hyala, mba'a vadatiy dzəti ngwəla, nza mbəzli mbəə sənata. Ma zəzə kwəma nzə va vadati Hyala tə ngwəla kiy, mba'a jakəti mbəzliy nəw Yesəw gwanashi ta nza ka hwəhwə

tsa kwətiŋ tsa. Mbəzli ka Zhəwifə lə niy kamaa ka Zhəwifə na, mbəzli kwətiŋ ghəshi, war Yesəw sa tə ghən shi gwa'a tsəgha.

Vəh 4 pa' tə vəh 6:1-9 Pəl gəzanshi kaa mbəzliy nəw Yesəw, nza ghəshi nzəyshi jakəjakə, ka dīva, ka mənī shiy təbə va mbəzli Hyala, lə bərçi safə tsa Hyala ta mətsəhəva ghəshi kwa kwəma kwa kwəma.

Vəh 6:10-24 Pəl gəzə kaa mbəzliy nəw Yesəw nza ghəshi bəvə shi mbəz, ghəngghən ghəngghən, shi banavəshi Hyala ta dza ta pa lə hyeler mba'a ndə jaka ghəci mazə tsa shi, nza ghəshi tədfanakənsi.

Kwəma dikə na mbə zliya nay, shəndəkə tsa tə Yesəw Kəristəw lə mazə tsa mənī naa dzəkən mbəzli dikə dikə ni mə ghwəmə lə ni tikə tə hidfi, mba'a jakə tsa jakəshi mbəzliy nəw Yesəw ka vəgha kwətiŋ.

Səkwəpə

¹ Yən tsasli na zliya na, yən yən Pəl, ntsa təravə Hyala ta nza ka ndə kwal tsa Yesəw *Kəristəw. Kaa ngəŋwəy tsaslee, ghwəy mbəzli Hyala mbə məlmə Efesə, mbəzliy jakəshi lə Yesəw Kəristəw, ka nəw lə nəfə kwətiŋ. ² Məntəŋwəy wəzə hwər tsa nzə Dəmmə Hyala, ghəshi lə Ndə sləkəmmə Yesəw Kəristəw, mba'a ghəshi ndaŋwəy zərkə mbə nzəy tsa ghwəy.

Fal Hyala ghwəmmə ta shi wəzə ni fəyəmmə na tə mbərəkə sləni ghərati Yesəw *Kəristəw

³ Fal Hyala Dəy Ndə sləkəmmə Yesəw Kəristəw ghwəmmə, sa nzana mba'a mərshiy ndammə ya nimaba shi nzə wəzə ni mə ghwəmə gwanashi tə mbərəkə

1:1 1:1 Ndə kwal tsa Yesəw: Gal 1:1; Efesø: SləniKY 18:19-21; 19:1 1:3 1:3 2:6; 2Kwər 1:3

jakøva tsa ghwømmø læ Kørístøw. ⁴Hjala ghwøla ta nga hidfi tərətəmmø na, ta nza ghwømmø ka mbəzli nzə, tə mbərkə jakøva tsa ghwømmø læ Kørístøw. Ta mbə ghwømmø nza dēwdēw kala fəti dzar kwa ghwømmø kwa kwəma nzə tərətəmmø na. ⁵Sa dītəmmø Hjala kiy, dza na kwatəŋata na, mba'a məntəmmø ta nza ka ndərazhi nzə tə mbərkə sləni ghərati Yesəw Kørístøw. Ava ghənzə na nanzə kwəma tarəti Hjala læ ghwømmø, səvəri mbə wəzə hwər tsa nzə. ⁶Ghənzə tsəgha kiy, fal Hjala ghwømmø ta zhəhwər tsa nzə va dalala tsa mənti na tə ghwømmø, tə mbərkə Zəghwə nzə va dīti na.

⁷Tə mbərkə miymiy Kørístøw shəkəshi mbəlimmø ghwømmø, zhini tə mbərkə ghəci Hjala pəlatammø kwəma ghwømmø jikir na mənti ghwømmø kwa hwər nzə. Ava tsəgha cikəvəri Hjala njasa nza dikə tsa zhəhwər tsa mənti na ta ndə ngəri. ⁸Dzəghwa na səvəri mbə wəzə hwər tsa nzə va tərəŋw tsa məntəmmø na kiy, mba'a ndammø məhərli tərəŋw læ sənata kwəma tərəŋw dīfa. ⁹Ta mbə ghwømmø sənata kwəma nzə va niy təkəti na məni nzə səvəri mbə Yesəw Kørístøw, mba'a niy mbələy. Ghala kwatəŋata niy təkəti na məni kwəma va, læ wəzə hwər tsa nzə. ¹⁰Ge'i tə kwa kərni vəghwə dza Hjalaa kərni məni kwəmaa niy təkəti na va. Ka na dzay, basə basəti shi mə ghwəmø læ shi tə hidfi gwanashi, mba'a fambəshi mbə dəvə Kørístøw, ta məni mazə ghəciy dzəkən shi kwətiy.

¹¹Hjala məni na shiy gwa'a njasa tarəkə na, læ njasa

1:4 1:4 5:27; Zhj 15:16; 17:24; 2Tes 2:13 1:5 1:5 Zhj 1:12 1:6
 1:6 Mt 3:17; Rm 5:2; Kwəl 1:13 1:7 1:7 tə mbərkə miymiy
 Yesəw mbəlīshi mbəzli: Kwəl 1:13-14; miymiy: Ef 2:13;
 Rm 3:25-26; Kwəl 1:20; 1Zhj 5:7; dikəy zhanta hwər tsa
 Hjala ta ndə ngəri: Ef 2:7 1:9 1:9-10 1:22; Kwəl 1:16, 20
 1:11 1:11 1:4; Rm 8:28-29

di na dɛ'wə ghən tsa nzə. Va tsəgha təravəŋəy na ghala kwatəŋata, njasa niy təkəti na, ta mbə ghəy nza ka shi nzə, tə mbərkə jakəva tsa ghəy lə Kəristəw. ¹² Ta mbə məndiy fal dikə tsa Hyala tə mbərkə ghəy ghəy shiy 'wa vaa banavə nefer ghəy kaa Kəristəw!

¹³ Ghwəy kwərakwə kiy, sa favə ghwəy gəzə Yəwən kwəma katarŋ na va wəzə na citəŋwəy kwal tsa mbəlīŋwəyəy, mba'a ghwəy banavə nefer ghwəy kaa Yesəw Kəristəw. Dza Hyala ki, mba'a fati lamba nzə tə ghwəy lə Safə tsa nzə dɛwɔdɛw tsa, njasa niy gəzəkə na va mənī kwatəŋa. ¹⁴ Nana ki, njana kwəməvə ghwəmmə *Safə tsa Hyala dɛwɔdɛw tsay, ta kwəməvə shi wəzə ni fənəy Hyala kaa mbəzli nzə dza ghwəmmə. Tə Safə tsa va sənay ghwəmmə, ta kwəməvəshi dza ghwəmmə, pə ghwəmmə. Fəca dza Hyalaa kərkamti mbəlimmə dza ghwəmmə kwəməvə shi va gwanashi. Va tsəgha kiy, fal dikə tsa Hyala ghwəmmə!

Kwəma mananta Pəl 'wəsa kaa Hyala ti

¹⁵⁻¹⁶ Tə mbərkə kwəma va gwanatay, tərəŋw mənēe 'wəsa kaa Hyala. Ya hwəmbay, mbə mananta 'wəsa nzee tə ghwəy difa, sa favee njasa banavə ghwəy nefer ghwəy kaa Ndə sləkəpə Yesəw *Kəristəw, zhini tərəŋw ghwəy di mbəzli Hyala. Ya war hwəmba nzee mbə cə'wə kiy, ¹⁷ mbə cə'wə kee nza va Hyala Ndə sləkəmmə Yesəw Kəristəw, ghənzə Didi kwa shəndəkə, a ghənzə bəŋwəy Safə tsa nzə, ta sənata kwəma, ka ciŋwəy Hyala, ta mbə ghwəy sənata wəzə. ¹⁸ Mbə cə'wə, kee nza ta mbə ghənzə ghwənamtəŋwəy məhərli ghwəy, ta mbə ghwəy

1:13 1:13 4:30; 2Kwər 1:22; Kwəl 1:5 1:14 1:14 2Kwər 1:22
 1:15-16 1:16 Kwəl 1:3 1:17 1:17 5:17; Fir 2:6; Kwəl 1:9-10 1:18
 1:18 4:4; Kwəl 1:12

sønashi shi haranjwøy Hyala va ta fə ghən ghwøy gəzlinə ti shi. Mba'a ta mbə ghwøy sənay njasa nza dimə tə shəndəkə tsa føy Hyala ta fəə dzəti mbəzli nza. ¹⁹ Mbə cə'wə kee nza difa ta mbə ghwøy sənay njasa nza tərəjw tsa bərçi Hyala 'yahə'yahəshi, mba'a ndamməshi ghwəmmə mbəzliy banavə nefer ghwəmmə kaa Yesəw. ²⁰ Ghala pətsa zhinikəmə Hyala va Kəristəw kwa kwəli, mba'a bəvəə føy ka mazə tə kwa bəzəmə nza mə ghwəməy, bərçi va niy ghərati na sləni va gwanata. ²¹ Sa føy na tifa ki na, ka mənī mazə ghəciy dzəkən hyeler gwanashi, lə dzəkən shi nza bərçi və shi dikə dikə ni, lə shi hazləni məndi və shi tə hidfi, lə shiy sləkəpə tə hidfi gwanashi, mba'a dzəkən slən shi har məndi slən tsa shi ya mbə vəghwə tsa sənənva tsa, ya mbə vəghwə tsaa dzaa səkə. ²² A Hyala bəvə shiy gwanashi, mba'a fanambəshi mbə dəvə Kəristəw ta sləkəshi ghəci. Dza na mba'a mənīti ka ghən tsa kən mbəzliy nəw Yesəw gwanashi. ²³ Ma mbəzliy nəw Kəristəw kwərakwə ki na, vəgha Kəristəw ghəshi. Kəristəw na, tifa ghəci gwanay tsa ci mbə mbəzliy nəw, ghəci sa tə hidfi gwanashi ya pa' kwəmafa difa.

2

Wəzə hwər tsa Hyala ndammə ma piy tsa 'war'war tsa

1:19 1:19-20 2Kwər 13:4; Kwəl 2:12 1:20 1:20 sləniKY 2:33; Kwəl 3:1 1:21 1:21 6:12; Rm 8:38; Gal 4:8-9; Kwəl 1:13, 16, 20; 2:9-10, 15, 20 1:22 1:22 1:10; 4:15; 5:23; Cem 8:7; Kwəl 1:18; 2:19 1:23 1:23 vəgha Kəristəw na mbəzli nəw: 2:16; 4:1-16, 25; 5:30; 1Kwər 12:4-11, 27; Kwəl 2:19; 2:14, 18; 4:1-6; Kwəl 3:15; Kəristəw na sa tə hidfi gwanashi ya pa' kwəmafa: 3:19; 4:10

¹ Niy nzay, ya tsøgha niy nza ghwøy tø ghwømøŋwøyøy, nja mbøzli bøkwe bøkwe ni niy nza ghwøy kwa kwøma Hyala, va sa ðanati ma ghwøy føti mba'a va kwøma ghwøy jikir na. ² Sa niy nzanay, war njasa møni mbøzli tø hidfi ni nøw ma Yesøw niy møni ghwøy shiy kwørakwø. Ka ghwøy dzay, ka ði føti niy nza, ta møni kwøma ði mazø tsa hyelerøy nzøy dzar mbø safø. Ya tsøgha nzø sanay, *hil tsa va sløwa na mbøzliy ði ma føti va Hyala. ³ Ghwømmø kwørakwø kiy, tsøgha niy nza ghwømmø gwanammø, njasa nza ghøshi va, ka møni war shi ði nøfø tsa ghwømmø. Ka pøla war møni shi maw vøgha ghwømmø, lø shi ði møhørlø ghwømmø. Sa niy nza nzøy tsa ghwømmø va tsøgha katanj katanj kiy, va tsøgha niy nza ghwømmø ka mbøzli nza føti vø shi kwa kwøma Hyala kwørakwø ki, njasa nza nihwøti mbøzli va sana.

⁴ Dzøghwa ki na, dikøy wøzø hwøer va Hyala tø ghwømmø. Sa nzana tøerøŋw ghønzø ðitømmø kiy, ⁵ ya tsøgha niy nza ghwømmø nja mbøzli bøkwe bøkwe ni kwa kwøma nzø va kwøma ghwømmø jikir na na, dza na mba'a ndammø piy kwasøbø *Køristøw kwørakwø. Ava va tsøgha kiy, war tø mbørkø zhøhwøer tsa Hyala tø ghwøy mbøliŋwøy ghwøy sana. ⁶ Søvøri mbø jakøva tsa ghwømmø lø Yesøw Køristøw ndammø Hyala børciy sati mbø møti, mba'a ndammø møni mazø kwasøbø Yesøw mø ghwømø. ⁷ Wøzø tsa møntømmø Hyala va mbø Yesøw Køristøwøy, ta mbø nihwøti mbøzliy taa nza, mbø tsahwøti vøghwø tsaa dzaa zhikøø sønay njasa nza dikø tsa zhøhwøer tsa nzø ta mbøzli, ka taŋamti

2:1 2:1 2:5 2:2 2:2 6:12; Zhj 12:31; 14:30; SløniKY 26:18; 1Zhj 2:16 2:3 2:3 5:6, 8; Rm 1:28; Kwøl 3:6 2:4 2:4 Rm 8:39; 9:16; Zhk 5:11 2:5 2:5 2:8; Rm 3:24; 6:13; Kwøl 2:13 2:6 2:6 1:3; Kwøl 2:12; 3:1 2:7 2:7 1:7; Rm 5:20

nihwəti shiy gwa'a gwa'a, nə na. ⁸ Sa mbəlitəŋwəy Hyala vay, tə mbərkə sləni ghəratı ghwəy naw, vəli tə gəm vəlitəŋwəy na, war tə zhəhwər tsa nzə tə ghwəy gwa'a tsəgha na. Səvəri mbə sa banavə ghwəy nefer ghwəy kaa zhəhwər tsa nzə va. ⁹ Məniy mbəli tsa mbəlitəŋwəy Hyala dzar kwa sləni mənti ghwəy, gar nə ndə na: «Tə slənee mbəliree» kə, ka məni fəgəw. ¹⁰ Gha ghwəmmə mənimmə njasa nza ghwəmmə tsa sanay, tə sləni ghəratı Hyala na, səvəri mbə jakəva tsa ghwəmmə lə Yesəw Kəristəw məntəmmə na tsəgha. Sa nzana, ghwəmmə də'wə ghən tsa ghwəmmə sanay, sləni ghəratı Hyala nza ghwəmmə, ta mbə ghwəmməə ghəra na wəzə na sləni. Sləni wəzə na va dza ghwəmməə ghəray, Hyala va də'wə ghən tsa nzə gwəmənti na ghala kwatəjata, ta mbə ghwəmməə ghəra nzə.

Jakəva ka mbəzli kwətij ni tə mbərkə Yesəw *Kəristəw

¹¹ Nighətım sənzənvay, *ka Zhəwifə yakəŋwəy məndiw. Ka Zhəwifəy, «Mbəzliy *slanti fə'yasa nza ghəy na ghəy» kə ghəshi, ma ghwəy na, mbəzliy slanti ma fə'yasa ghəshi harŋwəy. Fə'yasa slanti ghəshi va tala kiy, sləni mənti ndə ngəri lə dəvə ciy dzəti ndə na. Ghwəy ghwəy ka Efesəy, zəzəvəm njasa niy nza ghwəy kwatəja.

¹² Ghala pətsa vay, mbəzli kərakə kərakə ni lə Kəristəw niy nza ghwəy. Niy nza jakəva tsa ghwəy tifa lə hwəlfə təravə Hyala nja ka Zhəwifəw, ka məlmə niy nza ghwəy və shi. Ma kwəma wəzə na niy pəhəti Hyala ta mananshi

2:8 2:8 Mt 20:15; Zhŋ 4:10; SləniKY 15:11; Gal 2:16 2:9 2:9 Rm 3:28; 1Kwər 1:31; 2Tim 1:9; Tit 3:5 2:10 2:10 Tit 2:14 2:11 2:11-13 Rm 11:17 2:11 2:11 5:8; sla fə'yasa: Gal 5:6; Flp 3:3 2:12 2:12Rm 9:4; 1Kwər 15:19; Kwəl 1:21-22; 1Tes 4:13; kaa mbəzliy kamaa ka Zhəwifə niy nza shiy gəzəkə Hyala bə kaa ni nzə mbəzliw: 2:19

kaa mbözli mbø nanzø va hwölfø təravø nay, niy nza kwal va ghwøy gar kwømvavøw. Tikø ghwøy niy nza lø nzøy tsa ghwøy tø hidfi ni ngar ki na, niy nza na ghwøy kwøma wözø na føy ghwøy ghøn tsa ghwøy gəzliŋø ti, ta kwømvavø tibaw. Niy sənata Hyala katarŋ na ghwøyəw, tsøgha niy nza ghwøy. ¹³ Sa jakəŋwøy ghwøy lø Yesəw Kəristəw nana kiy, ghwøy ghwøy mbözliy niy nza va kərakø ni lø Hyala na, ndəkwø ndəkwø zhəghəŋwøy ghwøy li nana. Tø mbərkø miymiy ci va shəkəshi nza ghwøy tsøgha. ¹⁴ Kwatarŋay ka jaka niy nza ka Zhəwifø lø *mbözliy kamaa ka Zhəwifø. Dzəghwa Yesəw mba'a bøkə zərkəø dzəghwa jipø shi, mba'a jakəti ka Zhəwifø lø mbözliy kamaa ka Zhəwifø, ka hwölfø kwətij na. Lø mətici ci ngəzlamti na zlaraa niy tihəvərimmə, dza na mba'a banti mböz tsa kwa jipø ghwəmmø. ¹⁵ Kwøma pəhəti ka Zhəwifø lø shi gəzəpø na məni ghəŋghən ni gwa'ay, aa paslamtishi, ta mbəø jakəti hwölfø bakø na va ka hwölfø 'war'war na kwətij, mbø jakəva tsa shi li. Dza na mba'a faghwa zərkø kwa jipø shi tsøgha ki. ¹⁶ Lø kwøma mətici va vøgha tsəməy, li paslamti na mböz tsa kwa jipø hwölfø bakø na va, li ghəci jakətishi ka vøgha ndø kwətij, zhini mba'a sləkati kwøma kwa jipø shi lø Hyala. ¹⁷ Ava tsøgha səøkø Yesəw Kəristəw gəzarŋwøy Yəwən kwøma wözø na bəpø zərkø, ghwøy mbözliy kamaa ka Zhəwifø kərakø ni vøgha Hyala, mba'a kaa ngəŋəy ghøy ka Zhəwifø, ghøy ni ndəkwø ni vøgha nzø. ¹⁸ War tø mbərkø Yesəw Kəristəw kwømvavø ghwəmmø

2:13 2:13mbözli ndəkwø ndəkwø ni lø ni kərakø ni: 2:17; 3:6; miymiy: 1:7; Gal 1:4 2:14 2:14 zərkø: 2:16; 4:3; Kwəl 1:20; hwölfø kwətij na: 1:23; Rm 10:12; 1Kwər 12:13; Gal 3:28 2:15 2:15 2Kwər 5:17; Kwəl 2:14 2:16 2:16 1:23; Rm 5:10; Kwəl 1:20-22 2:17 2:17 Ezay 57:18-19; SləniKY 2:39 2:18 2:18 3:12; Rm 5:2

kətiva gwanammə dzəvəgha Didi Hyala. *Safə tsa Hyala tsa kwətij tsa kəətitəmmə na ta tsəhə vəgha Hyala.

¹⁹ Ma nana kiy, ghwəy ghwəy mbəzliy kama vaa ka Zhəwifəy, ka səəkə səəkə, ya ka məlmə nza ghwəy ghwəlaw. War jakə nza ghwəy gwanəwəy mbə hwəlfə mbəzli Hyala, mbəzli kəghi tsa nzəə gə ghwəy nana kwərakwə. ²⁰ Ghwəyəy nihwəti hərəzli ndəbəti məndi ciki li shi nza ghwəy. Ma ka gəzə kwəma Hyala ghəshi lə *ka kwal Yesəw na, hərəzli fə məndi sədā ciki li shi. Dzəghwa Yesəw Kəristəw də'wə ghən tsa ci na hakwə tsaah jihəti ciki tsa va ghəci. ²¹ Ghəci mən̄ti na ciki tsa va dzəŋ dzəŋ, zhini tə mbərkə ci ghəci kəlivaasati. Ta nza ka *ciki Hyala tsa dəwdəw tsa, mbə slən tsa ci ghəci Ndə sləkəpə. ²² War tə sa jakayvəwəy ghwəy li nza ghwəy ka nihwəti hərəzli fambə məndi ta nga ciki tsa dza Hyalaa nzəy mbə, lə Safə tsa nzə dəwdəw tsa kwərakwə ki.

3

A Hyala cikəvəri shiy niy fəy na tə ghwəbə, ka gəzəshi Pəl kaa mbəzli

¹ Tə mbərkə kwəma va kiy, mbə cə'wə Hyala nzee tə ghwəy, yən yən Pəl. Avənay kwa fərshina nzee sana sa kalaghwara məndi tə mbərkə kwəma Yesəw *Kəristəw sa gəzəwəy ya ghwəy *mbəzliy kamaa ka Zhəwifə. ² Ta na navay, a ghwəy favə njasa pəəətəra Hyala lə wəzə hwər tsa nzə, ta dzee ta məni sləni mbə ghwəy. ³ Dzəghwa na mba'a camtəra kwəma shiy niy zəzəti na va ghala kwatəjata ta mənishi, niy fəy

2:19 2:19 2:12; 3:6; Ebr 12:22-23 2:20 2:20 Mt 16:18; 1Kwər 3:10-11; ShiZhy 21:14 2:21 2:21 1Kwər 3:16 2:22 2:22 1Pi 2:5 3:1 3:1-3 Kwəl 1:25 3:1 3:1 fərshina: 4:1; Flp 1:7; Kwəl 4:18; Flm 1, 9 3:3 3:3 3:6

na tə ghwəbə niy nza ki. E gəzəkənjwəy kwəmaa dzəkən kwəma va jəwə mbə zliya na. ⁴ War jangə ma ghwəy kwəma vay, ta sənay dza ghwəy dza njasa sənatee kwəma tar Kəristəw, niy fəy Hyala tə ghwəbə. ⁵ Ma niy nzay, niy cikəvəri kwəmaa fəy na va tə ghwəbə Hyalaa dzəti ngwəla kaa mbəzliw. Dzəghwa na nana kiy, mba'a cikəvəri lə Safə tsa nzə dƛewdƛew tsa kaa mbəzli nzə dƛewdƛew ni, nja *ka kwal Yesəw ghəshi lə ka gəzə kwəma Hyala. ⁶ Tə mbərkə Yəwən kwəma wəzə na vay, ta kwəmavə zəmə ghi tsa fəy Hyala kaa mbəzli nzə dza *mbəzliy kamaa ka Zhəwifə kwərakwə, jakə lə ka Zhəwifə. Vəgha Yesəw Kəristəw ghəshi gwanashi. Zhini gwanashi ghəshi taa kwəmavə shiy gəzəkə Hyala bəpə mbə Yesəw Kəristəw. Ava ghənzə na kwəmaa niy fəy Hyala tə ghwəbə.

⁷ Yən kiy, tə wəzə hwər tsa nzə ndara Hyala sləni gəzə Yəwən kwəma wəzə na kaa mbəzli. Sləni ndara na vay, bərçi nzə na sa va cikəvəri na. ⁸ Yən kiy, yən gwəra na kwa tsee kwal mbə mbəzliy nəw Kəristəw. Ma dza Hyala na, mba'a məntəra wəzə hwər, dzəghwa na hən ndara gəzə Yəwən kwəma wəzə na kaa mbəzliy kamaa ka Zhəwifə, ta dzee gəzanshi kwəma shiy səəkə va Kəristəw ka tanamti nihwəti shiy gwa'a gwa'a, kala mbay ndəə sənay bərkətishi. ⁹ Hyalaa ngati shiy gwa'a ghwənara na, ta dzee pəraslanavə kaa mbəzliy dzəkən shiy niy zəzəti na məni ghala kwatəna mba'a niy ghwəbəyshi. ¹⁰ Ma cimmə Hyala kwəma vaa səvəri nana ki, ə dī Hyala ka kwal nzə lə ya nimaβa shi ka bərçi

3:4 3:4 Rm 16:24; 2Kwər 11:6 3:5 3:5 Kwəl 1:26 3:6 3:6 kwəmaa niy fəy Hyala tə ghwəbə: 1:9-10; 2:13-14, 18-19; 3:9-11; Rm 16:25; Kwəl 1:26-27 3:8 3:8 yən gwəra na kwa tsee kwal: 1Kwər 15:8-10; Gal 1:13-16; Flp 3:6-8; 1Tim 1:12-16

3:9 3:9 1:4 3:10 3:10 1:21, 23

mə ghwəməə nashi mbəzliy nəw Yesəw jakəjakə ka mbəzli kwətiŋ, sa ka ghəshi nay jakəva tsa va na, mba'a ghəshi sənay dfaŋ tsa kwəma sənata Hyala ghəngħən tsa nzə. ¹¹ War njasaa niy təkəti na va məni nzə ghala kwatanatay tsəgha mənti na, lə Yesəw Kəristəw Ndə sləkəmmə mənti na kwəmaa təkəti na va. ¹² Sa nzana, mba'a ghwəmmə banavə nefer ghwəmmə kaa Yesəw Kəristəw tsa va kiy, jakəjakə nza ghwəmmə li. Va tsəgha kwəmavə ghwəmmə kwal, kala hazləni kwa hwər ghwəmmə ya jəw nzə ta dzəghwa kwəma Hyala. ¹³ Va tsəgha sana kiy, ə cə'wəŋwəy ya, əntaa ghwəy taa zhiniy dza her ka zhəyŋwəy lə hwəm, va sa nzee mbə sa ngəra'wə sana tə kwəma ghwəy ma. Sa nzanay, dimə tərəŋw na dza ngəra'wə tsa see tsa tə kwəma ghwəy fatəŋwəy.

Njasa nza dī tsa dīmmə Yesəw *Kəristəw

¹⁴ Va tsəgha tsəfəkwəree kwa səfa Hyala sana, ghənzə Didi. ¹⁵ Ghənzə sa səvəri mbəzli mə ghwəmə lə ni tə hidī gwa'a səvəri mbə. ¹⁶ ə cə'wee ghənzə sa nza bama və tərəŋw, a ghənzə bəŋwəy bərçiy dzəmbə nefer ghwəy lə Safə tsa dēwdēw tsa, a ghwəy mbəə nza lə bərçiy, əntaa ghwəy barva kwa kwal tsa nzə. ¹⁷ Zhini mbə cə'wə Hyalee ta mbə Kəristəw nzəy mbə nefer ghwəy sa nzana mba'a ghwəy banavə nefer ghwəy. ə cə'wee ta mbə ghwəy dīva kwa jipə ghwəy tərəŋw nja ngwarməmə, kala kədi ma dīva tsa va. ¹⁸ Ma nza ghwəy lə nihwəti mbəzli Hyala gwanəŋwəy mbəə sənay njasa dītəmmə Kəristəw. Mba'a ghwəy sənay dī tsa dītəmmə na vay, ka kərkəvaw, mbə dīmmə na ya

3:12 3:12 Rm 5:2; Ebr 4:16; 10:19 3:13 3:13 Kwəl 1:24 3:14 3:14
6:18-19 3:16 3:16 Kwəl 1:11 3:17 3:17 Zhj 14:23; Ef 5:2; Kwəl 1:23;
2:7 3:18 3:18 Kwəl 2:2

hwømba, aa diti ya wa ndø, ya kwøma na ndø gwa'a, pø ghwøy. ¹⁹ Zhini mba'a ghwøy sønay dī tsa Køristøw vay, aa taŋamti sønata kwøma ndø ngøri, pø ghwøy. Ya tsøgha sønay ya ka favø dī tsa va gwanay ndø ngøriw pønøy, war mbø cø'wø Hyala nzee ta mbø ghwøy favø. Ma nza Hyala tøhayŋwøy nefer ghwøy vidi vidi, ya lø namaða kwøma nzø gwa'a gwa'a.

²⁰ A Hyalaa mbay ghøрати sløni lø børci nzø va fambø na mbø ghwømmø, ka taŋamti shi døw ghwømmø vø, lø shi tøkø ghwømmø gwa'a. ²¹ Ghønzø tsøghay, ø pø ghwømmø fal Hyala mbø sløn tsa Yesøw Køristøw, ghwømmø mbøzliy nøw Yesøw. Fal ghwømmø ya hwømba nzø, pa' kwa ndimndim jiji! *Amin.

4

Ka vøgha ndø kwøtiŋ mønishi mbøzliy nøw Yesøw

¹ Va tsøgha na ki, yøn yøn sa kwa førshina tsa tø sa ghøree sløni kaa Ndø sløkøpø Yesøwøy, ø cø'wøŋwøyee, a nø yay, nøwøw kwøma Hyala njasa haraŋwøy na ta nøw nzø. ² øntaa ghwøy køli ghøn tsa ghwøy ma, ka møhørlī pø ghwøy mønīŋwøy, yaŋ pø ghwøy kaa kwøma ya namaða nzø. Dim ghøn tsa ghwøy tørøŋw, ka sø'wa kwøma ndø, ya tsamaða mønti na kwa jipø tsa ghwøy. ³ Ma jakø tsa jakayŋwøy *Safø tsa Hyala va døwdøw tsa mba'a faghwa zørkø kwa jipø ghwøyøy, jihøkøvaŋwøyøw øntaa jakøva tsa va kørey kwa jipø ghwøy. ⁴ Ghwøy gwanarŋwøy ghwøy mbøzliy nøw Yesøw va kiy, vøgha kwøtiŋ nza ghwøy. Safø tsa Hyala døwdøw tsa, sa kwøtiŋ tsaa kwømavø ghwøy

3:19 3:19 1:23; 5:2, 25; 2Kwø 5:14; Kwø 2:9-10 3:20 3:20 Kwø 1:29 4:1 4:1 3:1 4:2 4:2 5:2; Kwø 3:12-13 4:3 4:3 2:14-16; Kwø 3:14-15 4:4 4:4 1:23; 2:18

gwanarwøy. Shi hararwøy Hyala va ta fə ghən ghwøy gəzlinə ti shi ɓa na, shiy kwətij ghəshi. ⁵ Ghwəmmə gwanamməy, kwətij na tsa ghwəmmə Ndə sləkəmmə, kaa ndə kwətij ghwəmmə ɓanavə nefer ghwəmmə, *batem tsa kwətij tsa sa məntəmmə məndi. ⁶ War kwətij na Hyala gwa'a tsəgha, ghənzə dəshi mbəzli gwanashi. Ghənzə məni mazə dzəkən mbəzli gwa'a gwa'a. Ghənzə ghəra sləni lə mbəzli gwa'a, ya pa' kwəmaɓa.

⁷ Vəgha kwətij nza ghwəmmə tsəgha, ma nanzə kiy, ya tsamaɓa ndə mbə ghwəmmə sanay, a *Kəristəw ɓanavə ni ci bərɓi ta ghəra sləni njasa taranakəshi na. ⁸ Ma kwəma mənti Kəristəw va tsəghay, war njasa niy gəzəkə məndi va mbə zliya na, sa niy ni va:

Aa pəhəti ka jaka ci, mba'a dzəməy dzəmə ghwəmə li shi

dza na mba'a tahanavə bərɓi ta ghəra sləni

kaa mbəzli tikə tə hidfi, kə niy ni.

⁹ Ma sa nə na va aa dzəməy kəy, njaa ɗi kwəma va gəzə kala ə ghəci səkway tikəə dzəti hidfi ni di, maɗi na ta gha dzəməə? ¹⁰ Va tsəgha nzana, ma ntsaa səkway vaa dzəti hidfi kiy, ghəcia saa zhiməy vaa dzəməə dzəti pətsa kərəkə ghwəmə ɓa ki, ta mbəə nza, war ghəci sa tiɓa ya pa kwəmaɓa gwa'a gwa'a. ¹¹ Ava ghəcia saa tahanavə bərɓi va ta ghəra sləni kaa mbəzli ghənghən ghənghən njasa ɗi na, dzəghwa na, mba'a ɓanavə bərɓi kaa nihwəti mbəzli ta nza ghəshi ka ka kwal ci, nihwəti na, ta nza ka ka gəzə kwəmaa səəkə va Hyala, nihwəti na, ta nza ka mbəzliy dza ta ci kwəma nzə kaa nihwəti

4:5 4:5 Zhhj 10:16; 1Kwər 8:6; batem: Mt 28:19; Rm 6:3-4 4:6
 4:6 1Kwər 12:6 4:7 4:7 Rm 12:3, 6; 1Kwər 12:11 4:8 4:8 Cem 68:19
 4:9 4:9 Zhhj 3:13 4:10 4:10 1:23 4:11 4:11 1Kwər 12:28

mbəzliy sənata ma, ma nihwəti na, ta nza ka ka ndəghwə mbəzli ci, nihwəti difa na, ta nza ka ka bananshi kwəma Hyala kaa mbəzli. ¹² Tawa tahanavəshi Kəristəw bərci va kaa mbəzli va tsəghay, ta mbə ghəshiy gwəma mbəzli Hyala gwanashi, ta ghəra sləni nʒə, mba'a ta mbə ghəshi, ghəshi shiy mənishi va ka vəgha Kəristəw kwətij kəli dza kwa kwəma kwa kwəma. ¹³ Ma tsəgha kiy, nza ghwəmmə nza jakəjakə gwanammə, tə sa nzana kaa zəghwə Hyala ghwəmmə banavə nefer ghwəmmə, mba'a ghwəmmə sənay Zəghwə va. Ma nza ghwəmmə mənimmə ka mbəzli təhə təhə ni, mbəzliy kərkamti kwəma gwanata nja Kəristəw ki. ¹⁴ Ghalabə kiy, ka dza ghwəmmə nza nja ndərazhi jəw jəw ni va, ka məndiy ngədfəhwə lə dzərvəw. Mbəzliy pala tsəhwəli va ta ngədi nihwəti mbəzliy dzəmbə kwəmaa kama ka kwəma Hyala katarj nay, ka dza ghəshiy ngədfəhwəmmə lə na shi va bəni kwəma ghəngəhən ghəngəhən na ghalabaw. ¹⁵ Na na ghwəmməy, ta nzəyəmmə dza ghwəmmə tə na katarj na kwəma Hyala, ka dīva kwa jipə ghwəmmə gwanammə. Ma tsəgha kiy, ta kəli dza ghwəmmə kwa kwəma, ka mənimmə yəm lə Kəristəw. Ghəci na ghən tsa ghwəmmə. ¹⁶ War tə mbərkə ghəci, ghəci ghən tsa va kwəmavə ghwəmmə, ghwəmmə mbəzliy nəw gwanashi jakəva ka vəgha kwətij, njasa tsəbətī Hyala va vəgha ndə kwa dighesler ci, ta nza ghəci ka ndə kwətij. Ghala pətsa ka shi tə vəgha ndə vaa nza mbə ghəra sləni shi wəzə wəzə njasa təbə ghəshiy mənī gwanashiy, kar nahwəti bəlaa nza gwənjəta, kala war mbə kəəti ghən tsa shiw. Ava tsəgha na kwəma mbə ghwəmmə, ghwəmmə mbəzliy nəw Yesəw, kama

4:12 4:12 1Kwər 14:26 4:13 4:13 Kwəl 1:28 4:14 4:14 1Kwər
 14:20; Ebr 5:13-14; Zhk 1:6 4:15 4:15-16 5:2 4:15 4:15 1:22
 4:16 4:16 1:23; 2:21-22; 4:13, 25; Kwəl 2:19

na war mbø mæni na ci sløni ndø ya wa ndø, zhini ka dīva ghwømmø kwa jipø ghwømmø, ta mætsøhø køli dza ghwømmø kwa kwøma kwa kwøma, ghwømmø vøgha Køristøw va.

Njasa tøbø na ndøø nza nana, sa ðanavø na nøfø tsa ci kaa Yesøw

¹⁷ Avanta kwøma ðee gøzanjwøy mbø sløn tsa Ndø sløkøpø: øntaa ghwøy dzaa zhiniy mæni shiy ghwøla mbø nzøy tsa ghwøy nja shi mæni mbøzliy nøw ma Hyala ma. Ghøshi na nashiy, kwøma gøzanshi møhørlī shi va kama ghøn tiy nøw ghøshi. ¹⁸ Møhørlī shi vay, mbø kwøslī na, kwøma sønata ghøshi tībaw. Caslakø slakø mænti ghøshi ghøn tsa shi. Va tsøgha kiy, ka mbay ghøshiy kwømavø piy tsa 'war'war tsa bøpø Hyalaw. ¹⁹ Ha'wø kwa na shi mætsø ya jøwøw, mbørøkø zlanay ghøshi ghøn tsa shi kaa mæni shi ha'wø ha'wø ni jikirkir ni, ya nimaba shi røða røða ni gwanashi na, kala ði ma ghøshiy tøhøva lø mæni shi.

²⁰ Na na ghwøy na ghwøy kiy, niy ðanavøjwøy gøla niva shiy mændi mbø kwømaa niy bønījwøy mændiy dzækøn *Køristøwøw. ²¹ A ghwøy favø kwømaa gøzøvaa dzækøn gwa'a. Ghwøy ghwøy mbøzliy nøw Yesøwøy, a mændi ðanavøjwøy kwøma katarj katarj na, njasa ðanavøpø Yesøw. ²² Ghønzø tsøgha kiy, zlayøm nzøy tsa ghwøy kwatana. Ghalabay, shi ði vøgha ghwøy niy ngøðījwøy na, mba'a ghøshi niy fambøjwøy mbø kwøma hwøvø hwøvø na, mba'a ghøshi yaðamtøjwøy. ²³ A pø ghwøy zlatanavø møhørlī ghwøy lø nøfø tsa ghwøy kaa Hyala a ghønzø zhøghantishi ta nza ghwøy 'war'war. ²⁴ Køsøvøm nzøy tsa 'war'war tsa, saa mønīy

4:17 4:17-18 5:8; Rm 1:21; 1Pi 1:14 4:19 4:19 Kwøl 3:5 4:20 4:20 Rm 8:13; Gal 6:8; Kwøl 3:9 4:23 4:23 Rm 12:2 4:24 4:24 Ghava 1:26-27; 2Kwør 5:17; Kwøl 3:10

ge'li kwa zəzə kwəma Hyala. Ma nza na katarj na va kwəma fambəŋwəy mbə nzəy tsa slar tsa təbanta kaa Hyala.

²⁵ Ghənzə tsəgha kiy, zlatam slasla dzərvə, war kwəma katarj na pə ghwəy gəzə kwa jipə ghwəy. Sa nzanay, ka bəlahi tə vəgha Yesəw jakəshi ka vəgha ci kwətij, mənimmə ghwəmmə gwanammə. ²⁶ Mba'a kə nəfə tsa ghwəy satiy va kwəmay, nighə tə ghwəy əntaa ghwəy tərəŋwəy dzəmbə *kwəma jikir na, ka nzəy ghwəy lə nəfə pa' hetihwer ma, ²⁷ əntaa ghwəy dzaa bənavə kwal tsa kəriŋəŋwəy dzəti pi kaa *ndə jaka ma. ²⁸ Mba'a kə ndə niy ghəliy, ə kə zlata ghəli va, a ghəci ghəra sləni katarj na lə dividivi ci, ta mbəə kwəma ni ci shiy, mba'a ta kwəmay shiy kəəti ka cicikwə. ²⁹ Əntaa ghwəy gəzə kwemerəy həhəərə mbəzli ma, gəzəm war kwəmaa dzaa təbə, gar kəətiti nihwəti mbəzli ta kwəmay bərci mbə nzəy tsa shi lə Hyala. Kwəma gar kəətiti mbəzliy fa kwəma ghwəy mbə kwəma kən shi pə ghwəy gəzə. ³⁰ Əntaa ghwəy mənə shiy bə nəfə tsa *Safə tsa Hyalaa sati ma, sa nzanay, li fati Hyala lamba nzə tə ghwəy, lamba fatəŋwəy na va ciŋwəy na njasa dza Hyalaa mbəlantəŋwəy gwa'a gwa'a mbə dəvə kwəma jikir na. ³¹ Ka kəsə ndə ghwəy kwa hwər ma, ka sati nəfə tsa ghwəy ma, ka ghwərvə ghwəy ma, ka nanabə ghən tsa ghwəy ghwəy lə gəzə kwemer ghyanakə ni ma, ka tsərəva ghwəy ma, gwa'a pə ghwəy banti hwəlfə kwəma ndərəm ndərəm na səvəri mbə ghwəy. ³² Ə pə ghwəy mənə wəzə hwər, ka zhəhwər ta ghən tsa ghwəy kwa jipə ghwəy, pəlata tə ghwəy

4:25 4:25 4:16; Zak 8:16-17; Kwəl 3:8-9 4:26 4:26 Zhk 1:19-20 4:28
 4:28 1Tes 4:11 4:29 4:29 5:4; Kwəl 3:8; 4:6; Zhk 3:10 4:30 4:30
 1:13-14; Ezay 63:10; Gal 5:25 4:32 4:32 Mt 6:14; 18:22-35; Kwəl 3:12-13

kwəma jikir na məntənwəy məndi mbə nəfə tsa ghwəy, njasa pəlatanwəy Hyala va na ghwəy, tə mbərkə sləni ghəratı Kəristəw.

5

Nzəy tsa mbəzliy nəw Yesəw mbə waŋ pi tsa nza ghəshi nana

¹ Ghwəyəy, ndərazhi Hyala diti na nza ghwəy. Njana nzana tsəgha kiy, məni pə ghwəy məni kwəma nja ghənzə kwərakwə ki. ² War dı pə ghwəy ci mbə kwəma məni ghwəy gwanata. Njasa dıtəmmə *Kəristəw va pa' ka zləbati mətiy tə ghwəmmə, mba'a banavə ghən tsa ci kaa Hyala, ka məjə'a shi vəlanati məndi kaa Hyala, shi slənəy məndi gwəraa təbanta.

³ Sanay, mbəzli Hyala məniwəy ghwəy. Sa nzana va tsəgha kiy, shiy nja kar məni ghwərghwər, lə kwemer rəda rəda ni, lə məni mətsə ta shiyəy, ka təbə məndiy favə gaka shi mbə ghwəy ghwəla ya kadı kadı nzəw. ⁴ Ya kwemer ha'wə ha'wə ni, lə shi kama ghən ti shi, lə ndi gwəmti gəmgəm nay, ka səkwa gəla ni tsəgha ni va shiy tə miy tsa ghwəy ma. Wəzəba 'wəsa pə ghwəy mananta kaa Hyala lə miy tsa ghwəy. ⁵ Sənay tə ghwəy, ndə tıba mbə mbəzliy məməni ghwərghwər, lə kwəma rəda rəda na, mba'a dzaa kwəmavə nzəy tə pətsa sləkə Kəristəw, vəgha Hyalaw. Tsəgha na kwərakwə lə ndə mətsə, sa nzana, məni mətsə ta shiyəy, ghala mbə lə ta mbəriw.

5:1 5:1 Mt 5:48; 1Zhj 3:1 5:2 5:2 3:17-18; 4:2, 15-16; 1Kwər 8:1; 2Kwər 5:14; Gal 6:10; Flp 2:2; Kwəl 2:2; 3:14-15; shi sləniy məndi kaa Hyala: Gal 1:4; Ebr 10:5-10 5:3 5:3-5 Gal 5:19-21 5:3 5:3 Kwəl 3:5 5:4 5:4 4:29; Kwəl 3:8 5:5 5:5 Rm 5:17

⁶ Əntaa ghwəy zləba məndiy ngəđinwəy lə kwemer kama ghən va ti shi ma. War va gəla hwəlfə shi tsəgha ni va gwəra nəfə tsa Hyalaa satiy dzəkən mbəzliy đi ma fəti va və gwanashi. ⁷ Əntaa ghwəy zləba jakəva lə gəla mbəzli tsəgha ni va tepə ma!

⁸ Niy nzay, mbəzliy dza mbə kwəsli niy nza ghwəy. Nana ki sa jakəwəy ghwəy lə Ndə sləkəpə Yesəwəy, mbəzliy dza mbə waŋ pi nza ghwəy. Va tsəgha kiy, mənim kwəma nja mbəzliy dza mbə waŋ pi nana. ⁹ Sa wana gəzee tsəghay, sa nzana mbəzliy dza mbə waŋ piy, shi wəzə ni ka ghəshiy məni, ka gəzə kwəma tidid na, lə na katarŋ na. ¹⁰ Ghənzə tsəgha kiy, đikəvaŋwəyəm ta pəla bəni sənata naa təbanci kwəma kaa Ndə sləkəpə. ¹¹ Ka tsəhə dəvə ghwəy ghwəy ya jəw dzəmbə məni shi kama ghən va ti shi məni mbəzli mbə kwəsli va ma. Wəzəba ghwazhə ghwazhə kəslanshi ghwəy kwəma shi va məni ghəshi jikir naa dzəti ngwəla. ¹² Na katarŋ nay, a ha'wəə ghəranci kaa ndə va gəzə shi məməni ghəshi va mbəmbə ni, ya kwataka lə miy gwa'a tsəgha. ¹³ Dzəghwa tə pətsa nza waŋ piy, ghwazhəta ka kwəma shi vaa nza tə ngwəla. ¹⁴ Sa nzana ya nimaba shiy na shiy cikəvərivashiy dzəti ngwəlay, ta zhəghəshi dza ghəshi ka shi mbə waŋ pi. Va tsəgha ha ghwəmə kwa cəm, ma pə ghwəmməy:

Fərgəŋa di, gha ntsa tə hi, zhakatiŋa mbə məti,
a Yesəw Kəristəw mbəreə dzəkən gha nja vici,
pə ghwəmmə.

5:6 5:6 Rm 1:18; Ef 2:3; Kwəl 2:4, 8; 3:6 5:8 5:8 niy nzay: 2:3, 11-12;
4:17-18, 22; Kwəl 3:7; Tit 3:3; mbə waŋ pi: Zhŋ 8:12; Kwəl 1:13;
1Pi 2:9 5:9 5:9 Gal 5:22-23 5:10 5:10 Rm 12:2; 1Tes 5:22 5:13 5:13
Zhŋ 3:20-21 5:14 5:14 Ezay 26:19; 60:1; Rm 13:11; Zhk 5:8

¹⁵ Ava va tsøgha na ki, mənim məhərli ta dza dza ghwəy kwa kwal Hyala, əntaa nzəy tsa ghwəy taa nza nja sa mbəzliy sənata ma kwəma. Wəzəba nza ghwəy ka ka sənata kwəma na. ¹⁶ Ma vəghwə tsa ndatsə tsay, jikir na, ghənzə tsøgha kiy, ka kəslimbə ghən ghwəy ma, kwəma wəzə na pə ghwəy məni ya hwəmba nzə. ¹⁷ Ma dibay, əntaa ghwəy dzaa mənti ghən tsa ghwəy nja deshəter ma. Təkəm kwəma wəzə, a ghwəy mbəə sənay njasa dī Ndə sləkəpə ghwəy məni.

¹⁸ Ka sa shi sa ghwəy gar ghyamtəvanjwəy ma, shi dza niva shiy ghakənjwəy tifa kala war fambənjwəy mbə kwəma gəmgəm naw. Wəzəba zlashi ghwəy nefer ghwəy a ghəshi tihəshi paf paf lə *Safə tsa Hyala dēwdēw tsa na. ¹⁹ Bəm bərçi kwa jipə tsa ghwəy kaa ghən tsa ghwəy lə cemer kwa Zliya Hyala, lə ndəgha waza, mba'a lə nihwəti cemer ghəngghən njasa dza Safə tsa Hyala dēwdēw tsaa ciñwəyshi. Faləm Ndə sləkəpə, ka hanci cəm, ka zləba wəzə lə nəfə kwətij gwananjwəy. ²⁰ War 'wəsa pə ghwəy mananta kaa Didi Hyala ta shiy gwanashi, ya hwəmba nzə, lə slən tsa Ndə sləkəmmə Yesəw Kəristəw.

Njasa təbə nzəy tsa kar zal lə mali ci

²¹ Dim fəti kaa ghən tsa ghwəy kwa jipə ghwəy. Sa nzana mbəzliy dī fəti ta kwəma *Kəristəw ghwəy gwananjwəy.

²² Avee gəzanjwəy ghwəy mi'i, dīm fəti va zhər ghwəy, njasa dānci ghwəy kaa Ndə sləkəpə. ²³ Sa nzanay, zal

5:16 5:16 Kwəl 4:5 5:17 5:17 1:17; Rm 12:2 5:18 5:18 Fir 23:31-35;
Rm 13:13 5:19 5:19-20 Cem 33:2-3; Kwəl 3:16-17; Ebr 13:15 5:21
5:21-6:9 Kwəl 3:18-4:1; 1Pi 2:18-3:7; 1Tim 2:1-13; Tit 2:1-10;
1Zhj 2:12-17 5:21 5:21 1Pi 5:5 5:22 5:22-24 Kwəl 3:18; Tit 2:5;
1Pi 3:1 5:22 5:22 1Kwər 14:34-35 5:23 5:23 1:22; 1Kwər 11:3

sløwa na mali ci, njasa sløwa Kəristəw va mbəzliy nəw kwərakwə. Mbəzliy nəw vay, vəgha ci na ghəshi, shi mbəliti na. ²⁴ Ghənzə tsəghay, war njasa fa mbəzliy nəw Yesəw va kwəma war və na, tsəgha pə ghwəy ghwəy mi'iy fa kwəma va zhər ghwəy, ya namaba kwəma nzə gwa'a.

²⁵ Ghwəy ghwəy zhər kwərakwə kiy, dī pə ghwəy dī mi'i ghwəy, njasa dīti Kəristəw va mbəzliy nəw, pa' ka zləbavə məti ta kwəma shi. ²⁶ Mənti na tsəghay, ta mbə ghəshiy nza ka mbəzli Hyala, dza na mba'a yaɓantishi lə *batem, mba'a lə gəzə kwəma ci. ²⁷ Sa dī na ghəshiy səəkə ta garə kwa kwəma ci, nja makwa dza məndi ta pəhanci, lə məgəla ti shi, war ka mbərə riw riw riw, kala para fəti tar kabaka shi gar tsəərəshi ndə. ²⁸ Ava tsəghaa na zhər kwəma ka ghəshi məni kwərakwə ki. Ghwəy ghwəy zhərəy, dī pə ghwəy dī mi'i ghwəy njasa ka ndə vaa dī ghən tsa ci kwərakwə. Ma ntsaa dīti mali ciy, ghən tsa ciy dīti na. ²⁹ A ghwəmmə sənay na kwagwa'a na kiy, ndə tifa kala dī ghən tsa ciw, war ka zəmanci shi zəmə, ka ndəghwə, ka ndəə məni, njasa məni Kəristəw va lə ghwəmmə, ghwəmmə mbəzliy nəw, ³⁰ sa nza ghwəmmə gwanammə bəlahi tə vəgha ci. ³¹ A ghwəy sənay njasa niy tsasliti məndi mbə Zliya Hyala, ma kə məndi niy niy: «Ava va tsəgha dza zal səvəriy ɓarvay vəgha kar dəy lə mbəghəy, nza ghəshi dzaa jakəshi lə mali ci. Ma nza ghəshi bakanashi mənishi ka vəgha kwətiŋ» kə məndi niy ni. ³² Ma mbə gəzə kwəma vay, a kwəma tifa dikə tə ghwəbə. Ma vəya nee sa bərkə yay, dzəkən kwəma Kəristəw lə mbəzliy

5:25 5:25-28 1:23; Kwəl 3:19; 1Pi 3:7 5:25 5:25 3:19 5:26 5:26
 batem: Rm 6:3-4; Tit 3:5; Ebr 10:22 5:27 5:27 1:4; 2Kwər 11:2; Flp
 1:10; Kwəl 1:22 5:30 5:30 1:23; 1Kwər 12:27 5:31 5:31 Ghava
 2:24 5:32 5:32 ShiZhj 19:7

nəw kwəma ci gəzəva kwəma va. ³³ Nanzə dibay, aa gəzəva kaa ngəŋwəy kwərakwə ki. Ya tsamaɓa ndə ci mbə ghwəyəy, ɗi kəə ɗi mali ci njasa ɗi na ghən tsa ci. Tsəgha mali kwərakwə ɓa, ka ɗi fəti va zata.

6

Njasa təbə nzəy tsa ndərazhi lə mbəzliy yakəshi

¹ Ghwəy ghwəy ndərazhiy nəw Ndə sləkəpə kwərakwə kiy, fam kwəma va mətikwəkwər ghwəy. Sa nzanay, ghənzə na na wəzə na kwəma. ² Ghənzə na kwa taŋa kwəma gəzəkə Hyala ɓəpə zhəmə ti, mbə *kwəma pəhəti na gwanata. Sa nə na va: «Fa kwəma va kar dəŋa lə məŋa, ³ ghalaba kiy, ma nza gha nza kwəriŋ mbə nzəy tsa gha dzəghwa ɗaŋ piya gha taa nza tə hidɪ» kə.

⁴ Gha gha didi kwərakwəy, ka i ndərazhi gha gha lə nabəshi gar sati nəfə tsa shi ma, ɓananshi kwəma lə məhərli, ka ishi lə kwal njasa citəŋwəy Ndə sləkəpə Yesəw kwərakwə.

Njasa təbə nzəy tsa mevivi lə mbəzliy sləwashi

⁵ Ghwəy ghwəy meviviy, fam kwəma lə gwərgwərə va mbəzliy sləwəŋwəy tikə tə hidɪ, ka ha'wə ti shi lə nəfə tsa ghwəy kwətɪŋ, njasa ka ghwəy vaa fa kwəma va *Kəristəw. ⁶ Əntaa ghwəy vəshi ta ghəranshi sləni war ghala ka ghəshi nza tiɓa mbə ndəghwəŋwəy ta mbəə təbanshi gwa'a tsəgha ma. Ghəra pə ghwəy ghəra sləni njasa ɗiti Hyala ghwəy ghəra, lə nəfə tsa ghwəy kwətɪŋ, nja mevivi Kəristəw. ⁷ Jihəvam, ta ghəra sləni ghwəy lə nəfə wəzə. Njasa ghərancɪ ghwəy kaa Ndə sləkəpə kala

6:1 6:1 Kwəl 3:20 6:2 6:2-3 Nəw 5:16 6:4 6:4 Kwəl 3:21 6:5
6:5-8 Kwəl 3:22-25; 1Tim 6:1-2; Tit 2:9-10; 1Pi 2:18-21 6:6
6:6 1Kwər 7:22

kaa ndə pə ghwəy nighə. ⁸ A ghwəy sənay, a zhəmə ntsaa ghəratı sləni wəzə na tıba va Ndə sləkəpə. Ya tsama ndə na gwa'a, ya ntsa papa tsa, ya ntsa yaya tsa.

⁹ Ghwəy ghwəy mbəzliy sləwa mevivi ghwəy kiy, kəsəvəshim wəzə kwərakwə. Ka gəzanshi kwəma ghwəy war lə 'wanə ma. Sənay tə ghwəy, ghwəy li shi gwanərwəy njasa nza ghwəy vay, mə ghwəmə na Ndə sləkərwəy gwa'a, pə ghwəy. Ghəci na naci kiy, ka ndəgha fəti na tsəy bəlaw, yəmshi na mbəzli gwanashi və.

Fir dzəkən shi mbəz banavə Hyala kaa ka nəw Yesəw ta mbəz lə ndə ka jaka

¹⁰ Ma nana kiy, kwa kərnı kwəma na sa dəe na gəzarwəy. Ma pə ghwəy məntiy, nəyərhwəyəm jakəjakə lə Ndə sləkəpə, pəlam bərçi ghwəy səvəri mbə ghəci sa nza bərçi və tərənyw kala kədi ma.

¹¹ Bəvəm shi mbəz ndərwəy Hyala gwanashi, ta mbə ghwəy nəyərhwəy tə pətsa ghwəy, lə ta kamti shi mbəz dza *ndə jaka tsa Hyalaa səəkə ta ghəranwəy li shi, dzar kwa tsəhwəli ci ghəngghən ghəngghən na. ¹² Sa nzanay, tsa ghwəmmə mbəz tsa mbəz ghwəmmə na lə mbəzli ka nashi mətsə ghwəmmə naw. Ghwəmmə lə hyeler, mba'a lə nihwəti shi ka bərçi, mba'a nihwəti shiy məni mazəə dzəkən mbəzli mbə kwəsli tikə tə hidı ni, mba'a lə hyeler dzəy tə ghwəmə, mbəz na. ¹³ Va tsəgha ki, ma pə ghwəy mənti nanay, bəvəm shi mbəz ghwəy ndərwəy Hyala gwanashi. Ta mbə ghwəy ka shiy fəca vici dza ntsa pa ghwəy jaka liy pəsli tə ghwəy. Ma nza

6:8 6:8 2Kwər 5:10; Kwəl 3:24-25 6:9 6:9 Kwəl 3:25; 4:1; Zhk 2:1 6:10 6:10 Zhj 15:5; 1Kwər 16:13 6:11 6:11-17 2Kwər 10:4; 1Tes 5:8; Ezay 59:17 6:11 6:11 Zhk 4:7 6:12 6:12 1:21; 2:2; 1Pi 5:8-9 6:13 6:13 Rm 13:12

ghwəy nza war miy mbəz, kala zhəghə hwəm tsa ghwəy tība pa' fəca ka mbəz tsa va kəđi.

¹⁴ Gwəmatəvaŋwəyəm. Kəsəvəm gəzə na katarŋ na kwəma, a ghwəy pahamtəvaŋwəy li, ka məjə'a məgapa pəhəva ghwəy li ta mbəz. Dzəghwa pa' ghwəy pakən məni kwəma lə kwal tsa nzə, ka məjə'a kwəbaŋ tsahi tsa dza səə mbay ma dzəmbəy ti mbə mbəz.

¹⁵ Jihəkəvaŋwəyəm ta dza ta gəzə Yəwən kwəma wəzə na va bəpə zərkə, ka məjə'a kwəkweher mbə səđa ghwəy. ¹⁶ Banavəm nəfə tsa ghwəy ya hwəmba kaa Hyala. Ma nəfə tsa dza ghwəy vaa banavəy, ka məjə'a gal tsa ta dəvə ghwəy dza naa nza, ta mbə ghwəy ka havə kwa darə, sa ka ndə jaka həŋwəy li. ¹⁷ Zləbavəm mbəli tsa mbəlitəŋwəy Hyala, ka məjə'a gaza fə ghwəy dzəmbə ghən tsa ghwəy ta ndəghwə ci. Dzəghwa mba'a ghwəy kəsəvə kwəma Hyala ta dəvə ghwəy ka məjə'a kafa'i ndaŋwəy Safə tsa đewđew tsa ta mbəz lə ndə jaka.

¹⁸ Shi va gwanashiy, kala cə'wə pə ghwəy mənishiy, ka cə'wə va Hyala a ghənzə kəətŋwəy. Cə'wə pə ghwəy cə'wə Hyala ya hwəmba njasa ka Safə tsa nzə đewđew tsa ciŋwəy. Ka dəkəva ghwəy ta cə'wə tepə ma. Ka zlay cə'wə ghwəy ta nihwəti mbəzli Hyala gwanashi ma.

¹⁹ Cə'wə tə ghwəy tə ya kwərakwə, a Hyala mbəə citəra njasa kee gəzanshi Yəwən kwəma wəzə na kaa mbəzli lə bərçi, kala hazləni kwa hwər tsee. Kwəma wəzə na vay, tə ghwəbə niy fəy Hyala kwatəŋa, dzəghwa na nana mba'a cikəvəri kaa mbəzli. ²⁰*Kəristəw fəyra na ka kwəsəkə tsa kən kwəma va ta dzee gəzanshi kaa mbəzli. Ya war tsəgha nzee kwa dəŋw sanay, cə'wəm Hyala, a

6:14 6:14 Ezay 11:5 6:15 6:15 Ezay 52:7; Rm 10:15 6:17 6:17 Ezay 40:2; Ebr 4:12 6:18 6:18-19 3:14; Lk 18:1; SləniKY 4:29; Rm 15:30; Kwəl 4:2-4 6:20 6:20 3:2; 2Kwər 5:20; Kwəl 4:4

ghənzə bəra bərci, ta mbee gəzə kwəma nzə njasa dī na, ghwazhə ghwazhə, kala hazləni mee.

Kwa kərnī sək wəpə tsa Pəl

²¹ A ngwarməhira, vanay yən ghwənəghəwəy Tishikə ta gəzəwəy kwəmee gwanata, njasa nzee nana tikə, ya njasa mənee na mənee sləni gwa'a, ta mbə ghwəy sənata. Ghəci na zəməmmə tsa mbə nəw Yesəw tsa dēe tərəw, ntsaa kəsəvə sləni Ndə sləkəpə bekir dəvə. ²² Ghənzə na kwəma ghwənee ti kaa ngəwəy sana, sa dēe ghəciy gəzəwəy njasa nza ghəy tikə, ta mbə nəfə tsa ghwəy dəpəy. ²³ Bəwəy zərkə Didi Hyala, ghəshi lə Ndə sləkəpə Yesəw Kəristəw dzəmbə nefer ghwəy gwanəwəy, ghwəy ngwarməhira nəw Yesəw. Mba'a ndəwəy dī ghən tsa ghwəy tərəw, mba'a bərci ta mbə ghwəy banavə nefer ghwəy kaa Kəristəw. ²⁴ A ngwarməhira, mənti wəzə hwər tsa nzə Hyala kaa ndə ya tsamaḃa ndə ci na ntsaa dī kwəma Ndə sləkəmmə Yesəw Kəristəw lə nəfə kwətij ya hwəmba. Ava tīḃa kərayee, nza ghwəy nza ki.

6:21 6:21-22 Tishikə: SləniKY 20:4; Kwəl 4:7-8; 2Tim 4:12; Tit 3:12 6:23 6:23 zərkə: 2Kwər 13:11 6:24 6:24 Gal 6:18; 1Pi 1:8

Zliya Yəwən kwəma wəzə naa dzəkən Yesəw Kəristəw
Bana: Zliya Yəwən kwəma wəzə naa dzəkən Yesəw Kəristəw New
Testament

Le Nouveau Testament en langue Bana du Cameroun

copyright © 2005 Wycliffe Bible Translators, Inc.

Language: Bana

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 14 Jun 2022 from source files dated 1 Jun
2022

ae014872-94cd-54bc-869e-601bde2245b3